

十位断结经



才十二

百七十五

莫四

48531



元祿九年丙子二月日重脩

皇圖 聖圖 帝階 綴昌

佛日 增輝 懋容 輪常 轉

山城州天安寺法金剛院置



十住斷結經卷第十三

姚秦涼州沙門竺佛念譯

莫

道智品第二十四

楊茂

今時座上百億衆生及諸大會菩薩之人及
天帝釋梵天王兜術天炎天化自在天他化
自在天乃至一究竟天各各狐疑欲得聞說
至道之要道者無相而不可見云何如來言
有道乎今時世尊知來會心中所念尋告最
勝菩薩曰卿等欲得宣暢微妙至道之要乎
對曰如是世尊願樂欲聞佛告最勝及菩薩
摩訶薩天龍鬼神阿須倫旃陀羅摩休勒人
與非人解道無迹寂然無名假使最勝道有

處者菩薩摩訶薩不於平等法中成最正覺
以其道果無處所故菩薩摩訶薩成等正覺
佛復告最勝菩薩道智定意有十云何為十
不造身行亦無所著不造口行亦無所著不
造意行亦無所著遊佛境界不與佛想教化
衆生逮無礙智皆使萌類解道無道復使衆
生成最正覺放太光明靡所不照一一光明
無量化佛一一化佛演說極深六度無極恒
轉法輪發菩薩心解我無我亦無壽命身心
自然乃謂為道其自然者覺道無智亦不有
智覺無所覺都不見覺言吾是道亦不見吾
言我是道亦不見我我人壽命亦復如是一

切衆智亦無形像。今時最勝菩薩前白佛言：設道無形而不可見。如今轉法輪演說四道果證，言須陀洹、斯陀含、阿那含、阿羅漢、辟支佛、菩薩及佛，何以故說五陰、薩云然、四意止、四意斷、四神足、五根、五力、七覺意、八賢聖道？何以故說淨佛國土教化衆生？從一佛國至一佛國，分別明慧六識更樂云：何復說四等六度、真如法性有道之名？是時世尊告最勝曰：如汝所問菩薩摩訶薩，解了佛慧五分法身善權，所有不見動轉，見動轉者則非道議。遠離一切之所猗徃，推其法界亦無法界，所以然者俱本無故。無著道智如本淨，故設轉。

法輪解了一切諸法無著是故最勝菩薩摩訶薩等於一切悉無所著亦不見生亦不見滅佛土清淨衆生亦淨有見無量智慧光明是故菩薩摩訶薩應摠持行立不退轉登菩薩位或入定意正受三昧教化衆生淨佛國土無若干道忍一行拔無言法智強爲設智菩薩大士當念修行化諸未悟皆無識想是謂最勝入一定意清淨道智一切無塵調未調者不計苦樂是常非常若好若醜悉無想著無亂智者求索佛藏十力具足四無所畏四分別慧大慈大悲真如法性悉無所有皆虛皆寂分別報應至誠道智無起滅故謂空

無想無願亦無所生是故最勝菩薩大士至
道之要所論道者即虛空界也所以然者道
則是空空則是道一而不二亦無若干是時
最勝菩薩前白佛言善哉善哉快說斯法介
時衆會之中天龍鬼神卮沓耜阿須倫迦留
羅旃陀羅摩休勒人與非人心自念言如來
今日爲諸大會演布道智無比之法滿衆生
願隨其所趣此最勝菩薩何時當成最正覺
無上道乎佛知諸天龍神心之所念即告四
部之衆此最勝菩薩却後無數三百三十阿
僧祇劫當成爲佛号曰明慧至真如來等正
覺世界曰無量劫名清淨其佛如來翼從弟

子九千九百九十五億壽百二十小劫。尔时
衆會聞佛授勅，各自發願樂欲生彼佛世界。
佛即告曰：如汝所願，必生不疑。佛復告最勝
曰：今此大衆多有忉利天，常與阿須倫共鬪。
或時諸天得勝，阿須倫不如；或時阿須倫得
勝，諸天不如。各各共鬪，懷其怨結，各有恚毒，
不能捨離。最勝曰：伏惟天尊，以權方便與說
道智虛無之法，令諸天人及阿須倫各各和
合，興慈悲心。尔時世尊告諸會者：道者無形，
亦不可見。三毒根本，永無本末。在世修道，惟
信爲強。人之行慈善，神衛護十方。諸佛皆共
稱歎。今世後世，積德無量。此閻浮利內，蚡飛

蠕動有形之類皆當歸於滅盡之法命如電
炎亦如野馬鏡中之像水上浮泡合會有離
生者必死汝等受形不免此患雖受天壽故
在三途當自謹慎求離此道汝等諦聽受吾
教戒尔時四部之衆僉然喜慶各自興敬欲
聽如來道法之教尔時世尊告四部衆汝等
諦聽善思念之菩薩摩訶薩當念修行八解
脫法門云何爲八若善男子善女人奉律無
缺護身口意行四等心慈悲喜護常念親近
隨善知識然熾三寶常念志求無上佛道所
聞正法爲人講說所演道教不說小乘勸進
衆生修行大道或時菩薩講演大乘平等無

二不見受教猶如虛空無形無像佛所建立
不可思議包容万行無法不周或說空無虛
空寂然之行或說五分法身譬如有人得隨
意摩尼珠在大衆中欲使珠之威德青黃白
黑亦使衆人同其色像菩薩摩訶薩亦復如
是隨衆人心意所思念轉演道智無窮之法
各各歡喜志崇佛道盡導將亦智慧法門益
於衆生而發大道如是菩薩發弘誓心濟度
衆生亦不見見度猶如虛空往來無礙菩薩發
意度人如是亦不見衆生有得度者佛告最
勝汝般泥洹供養舍利當經十二中劫一切
衆生皆悉奉事無因緣者為造因緣無救護

者爲設救護無覆蓋者爲作覆蓋。今時人民
之類皆當供養華香伎樂稽首自歸。一一舍
利皆放光明神德變化見者歡喜。皆由弘誓
發願所致。知佛威神殊特之變。巍巍堂堂靡
不照耀。布現無量智慧光明緣。是興發無上
道意。其中衆生發意錯者。或成緣覺。聲聞之
法。或生天上。逮得人身。舍利分布八方上下
天龍鬼神。輒沓憩阿湏倫迦留羅旃陀羅摩
休勒人。與非人。蚊行喘息有形之類。皆當供
養五樂。自娛佛。復告最勝。汝作佛時。地黃金
色七寶具足。金銀珍寶。碑磑瑪瑙珊瑚琥珀
水精琉璃。或有衆生欲得供養全身。舍利輒

如其願皆悉從意數千萬億全身舍利布現
於世經法流布十七中劫余時座上有菩薩
名曰無量覺慧心自念言最勝大士遺身舍
利分布在世興發道心度人多少為有幾許
佛知其意心中所念便告之曰止止賢士勿
宣斯言莫以己身限礙之智度量如來無礙
之慧三昧定意光明舍利接度衆生非心所
度非意所察如來神德道智自在又諸佛所
化權現變異非是辟支聲聞所達菩薩摩訶
薩得寂定三昧都無近遠想著定念普遊十
方郡國縣邑天宮龍宮諸尊神宮丘聚人中
曠野天上五道所趣各各示現全身舍利一

一舍利放光明者解說六度無比之法空無相願大慈大悲四恩明慧分別虛寂暢達定意供養舍利平等無二施心牢固無增無減是謂菩薩摩訶薩入寂意定心三昧便能分別內外六情何以故名爲六情所謂六情者若眼見色不與色想解色外物而與眼識便起七十四塵勞之患何謂七十四欲識十五色識十五有想無想識十五生陰十五中陰十四佛告菩薩摩訶薩於眼識中興此塵勞便起眼識復次菩薩摩訶薩設族姓子族姓女若耳聞聲不與耳患解聲外物而與耳識便起七十四塵勞之患欲耳識十五色耳識

十有想無想耳識十中陰及受形陰三十九
佛告菩薩摩訶薩於耳識中興此塵勞便起
耳識復次菩薩摩訶薩若鼻嗅香不興鼻識
解鼻外物而興鼻識便起七十四塵勞之患
欲界耳識十五色界十五有想無想四空定
四十四佛復告菩薩摩訶薩設族姓子族姓
女舌識知味而興舌患於中分別悉了無主
欲中識中便能興起七十四塵勞之患何謂
七十四欲十五色十五有想無想及至中陰
四十四菩薩摩訶薩復當思惟起滅之法外
更內樂麁細塵勞一一分別悉無所有便於
更樂以興身識乃興七十四塵勞之患何謂

七十四所謂七十四者欲十五色十五有想
無想及至中陰四十四菩薩摩訶薩復當思
惟意法之行法生則生法滅則滅亦不見生
亦不見滅愚惑之人於中興起意識之想便
起七十四塵勞之患云何七十四塵勞之患
欲十五色十五有想無想及中陰四十四佛
復告菩薩摩訶薩云何道智菩薩於欲界道
智十五所謂十五者觀世有七何謂為七一
者誹道二者信言三者受教四者在諦或便
退轉五者得報猶豫六者意進身礙七者目
覩不獲猗佛深藏有八事何謂為八一者佛
法無像設為窠窟二者現在不任念計常存

三者過去永滅誓言不覩四者當來未至言
無生滅五者緣苦致患自招緣對六者未盡
言盡方便習行七者見道捨道始從一進八
者佛法無二意在叅差是謂菩薩摩訶薩於
欲界道智十五塵勞之行六何色十五塵勞
之行所謂十五者一為恩潤二心不移三著
天樂四忘罪福五謂永久六無痛痒七在正
地八行平均九忍不起十道無變十一想具
十二著色十三自在十四遠照十五羯磨是
謂菩薩摩訶薩往適色天當念遠離十五塵
勞之行云何菩薩摩訶薩有想無想及中陰
遠離四十四塵勞之行於是菩薩入神通定

意無形三昧往至彼間說四十四識者之行
去何四十四於是菩薩與識說行一者識我
無本二者捨色無形三者有痛受報四者想
不牢固五者行本末斷六者猗空無慧七者
寂然息定八者無想知滅九者在識不亂十
者忘意非意十一者亦不在意十二者識不
在道十三者亦不在俗十四者如尔性空十
五者聞響無形十六者念道無盡十七者謂
空無餘十八者泥洹清淨十九者覺了趣寂
二十者癡心恩潤二十一者還現中陰二十
二者見中陰受形二十三與中陰形交往
二十四者知所從來二十五者見彼中陰衆

生往來二十六者見中陰形生者滅者二十七者自見受形受地獄陰二十八者有受罪形不受罪形二十九者見受天陰有受福者不受福者三十者見受人陰有受福者不受福者三十一者見受餓鬼中陰有高有卑者二十二者見受畜生陰重者輕者三十三者或從天陰還入天陰斯由死時識不亂故三十四者或從天陰而生人陰斯由本識雖猛無慧三十五者或從天陰受畜生陰斯由識淺意興亂想三十六者或從天身受餓鬼陰斯由死時意貪無厭三十七者或從天身受地獄陰斯由神誓誹謗賢聖三十八者或從

人陰復受天陰斯由禁戒法清淨三十九者
或從人身受畜生陰斯由行本意不專一四
十者或從人陰受餓鬼陰獨善其美不廣普
故四十一者或從人陰受地獄陰先受其福
後受其禍四十二者或從畜生陰受天人陰
斯由造福畢故不造新四十三者或從畜生
陰受餓鬼地獄陰斯由無救八無閑罪四十
四者陰受陰形神識不錯是謂菩薩摩訶薩
有想無想及中陰形四十四塵勞之患佛復
告最勝菩薩摩訶薩復當思惟虛空神識中
陰或從空識生識陰或從識陰受不用處陰
或從不用處陰受無色天陰從無色天陰受

六天陰乃至一究竟天從一究竟天復受色
無色天陰人受天陰形如一仞半尋往不中
留人受人陰形如三肘半極遲經七日或六
日五四三二一日人受畜生陰極遲三日半
或二一半日人受餓鬼陰極遲半食頃或彈
指之間人受地獄陰形如三仞半或有出者
不經旬日死輒至彼菩薩摩訶薩皆逐人教
化爲說妙道心速悟者不受衆形中間得道
畜生受人陰形如三肘半極遲經四日三二
一日畜生受天陰形如三仞半極遲一日半
或一日半日彈指之頃畜生受餓鬼陰形如
七仞半或有出者極遲經五日或四三二一日

畜生受地獄陰形如一刃半極遲半食頃或
彈拍之間餓鬼受天陰形如半刃極遲經一
日或半日食時或彈拍之間餓鬼受人陰形
如二肘半極遲四日半或三二一日餓鬼受
畜生陰形如四刃半極遲十五日十四三二
一日十日九八七六五四三二一日餓鬼受
地獄陰形如五刃半極遲九十日或有出者
八七六五四三二一亦復如是復次菩薩摩
訶薩當復如是觀察地獄衆生受彼天陰形
如四刃半極遲經五月四三二一月若地獄
陰受人中陰者形如二肘半極遲經三月二
一月地獄受畜生陰形如八肘半極遲三月

半二一月亦如是。地獄受餓鬼陰形如九月
極遲經三日。或時天陰應受人陰中間未至
還受天陰斯等利根經不涉苦。或時天陰應
受人陰忽然便在生畜生陰斯等之類。福盡
行至。或時天陰應受畜生陰忽然便在生人
中陰斯等之類。不毀戒度。或時天陰應受餓
鬼陰忽然便在生畜生陰斯等之類。奉修頂
忍。或時天陰應受地獄陰忽然便在餓鬼陰
中斯等之類。報果以熟生人道中。或有人陰
受餓鬼中陰衆生忽然便在天中陰斯等之
類。定意不亂。故或有應受三惡道中陰忽然
便受人天中陰斯等之類。有智通慧意廣博。

故或有應受一究竟中陰忽然便在光音中
陰斯等之類心專一故或有應受遍淨中陰
忽然乃在有想無想中陰斯等之類有智意
不達故佛告最勝菩薩摩訶薩坐道樹下以
一切智無礙等智執六通智辯才慧智了音
響智無退轉智遍觀三千大千世界誰受形
者不受形者誰受中陰不受中陰有幾衆生
在於人道有幾衆生在人中陰菩薩復觀人
陰衆生受四陰形皆知多少佛告最勝菩薩
摩訶薩觀天道衆生在天中陰復觀天道衆
生趣於四道皆知多少或時菩薩摩訶薩以
六神通不退轉智觀畜生受形衆生有幾衆

生受畜生中陰轉受四道中陰皆知多少菩薩復觀受餓鬼衆生有幾衆生在餓鬼中陰應受四道皆知多少或時菩薩摩訶薩觀受地獄衆生有幾衆生受地獄中陰趣於四道皆知多少佛告最勝菩薩摩訶薩以無退轉智遍觀五道中陰有受形不受形者或有處在木陰忽心便在天陰形於天陰形即取滅度竟不受天身人身或有處在天中陰忽然便在人中陰形便取滅度不受天身人身或有處在畜生中陰於畜生中陰忽然便在人中陰於人中陰便取滅度不受畜生人形或有處在畜生中陰於畜生中陰忽然便在天

中陰於天中陰便取滅度不受畜生天身或有處在餓鬼中陰於餓鬼中陰忽然便在人中陰於人道中陰便取滅度不受餓鬼身人身或有處在餓鬼中陰於餓鬼中陰忽然便在天中陰於天中陰便取滅度不受餓鬼天身或有處在地獄中陰於地獄中陰忽然便在人中陰於人中陰便取滅度不受地獄人形或有處在地獄中陰忽然便在天中陰於天中陰便取滅度不受地獄天形是謂菩薩摩訶薩以不退轉智遍觀三千大千世界有受形者不受形者有罪有福皆悉知之今時最勝菩薩及萬八千人十萬天人天龍鬼神

捷沓愁阿須倫迦留羅甄陀羅摩休勒即從
座起义手長跪白佛言異響同音歎未曾有
善哉善哉世尊快說中陰無形之法無限無
量不可思議非是羅漢辟支所度我等願樂
欲見中陰形質唯願世尊願愍下劣衆生得
蒙洗除永去心垢尔時世尊告諸會者善哉
善哉快問斯義吾今與汝現其神足使八部
之衆得覩中陰形質尔時世尊即入無形觀
三昧普見五道中陰衆生有受形者不受形
者有罪有福皆悉知之尔時座上衆生亦復
見彼五道中陰形質又聞如來與說道教即
於彼形諸塵垢盡得法眼淨或有發于大乘

之心或有說于志密之行隨類教化無所染
著亦復見彼中陰形質從一住地至于十住
地見彼有得一生補處坐樹王下降伏無數
億百千魔身黃金色衆相具足亦有諸天帝
釋梵四王來請菩薩演說法響普聞三千大
千世界復見異方諸佛世尊遣化菩薩陳說
名号國界遠近清淨之行或見在前歎說如
來十号之法或有興教致供養者或以雜偈
歎如來之德此國衆生在彼中陰種種觀見
神足變化不可思議復見如來出舌相光明
一一光明皆有化佛及八部衆前後圍遶說
無畏法智不退轉諸法深藏皆悉具足或授

弟子緣覺記蒞於當來世汝當成佛。号字如是。尔時万八千人及百千天子。即於座上皆發無上正真道意。尔時世尊還捨神足。復坐如故。告四部衆。如來神德不可究盡。又有四法不可思議。云何為四。一者如來志密不可思議。二者衆生根本不可思議。三者如來道慧不可思議。四者如來音響不可思議。復次最勝。復有四事不可思議。云何為四。一者如來儀則不可思議。二者如來法座不可思議。三者如來教戒不可思議。四者金剛定意不可思議。復有四事不可思議。云何為四。在道樹下。意如虛空不可思議。亦不見是亦不見。

非不可思議以小爲大以大爲小不可思議
言必有濟亦不見濟不可思議復有四事所
應行法不可染著言有吾我亦不見生復無
有滅無造無作亦無著斷一切衆生根本清
淨是謂最勝菩薩摩訶薩所應行法無所染
著云何最勝世尊有邊際乎對曰無也世尊
復告最勝諸有正法從法界生本無邊際爲
有有耶生爲無無耶無對曰世尊不從有有
不從無無云何最勝諸無際法不從有有不
從無無云何成等正覺乎對曰世尊無有成
正覺者佛告最勝如來坐道樹下以無際之法
無起滅教皆虛皆寂自然無智亦不有智以

無有智誰有知乎是故最勝吾我之法權詐
不實亦不見道道不見道無見無聞無慧無
著解法界亦復如是不見起滅為作窠窟有
受教者亦不見文字章句如是最勝解知諸
法虛空無形設有愚夫無智之士安處虛空
者不乎對曰非也世尊一切諸法如念法性

實際本無斯無所有今言有道大慈大悲四
意止四意斷四神足五根五力七覺意八賢
聖行空無相願六增上法十八不共不由斯
法而得成道道者無形亦不可見以無形法
乃謂為道道亦無來亦不見去是謂最勝乃
謂為道若使如來從法界生從法界滅乃是

生死穢濁之行以無生滅故謂為道佛告最
勝菩薩摩訶薩入虛空觀三昧於諸境界行
無染禪以此禪法遊至無礙亦無錯亂非身
非心無等不等思惟空定不見剛柔志惟澹
泊無應無所應亦不見應亦不見不應是謂
最勝菩薩空定無限無量不可思議非是羅
漢辟支所及譬如最勝焚燒山野叢林草木
火非叢林叢林非火亦不是火火不離火當
知菩薩結使亦然結非是道道非是結亦不
離道解知空定無形三昧亦復如是諸法清
淨平等本無或以正受觀察法際而致平等
無染無汙心不在內亦不遊外色無所住亦

不見任度於一切在顛倒者設法無形是謂
為道或以五通三達妙智周流四域欲化衆
生化自有化亦不見化是謂為道超外五通
或離聲聞緣覺定意不見五通緣覺定意是
謂為道復以定意正受三昧觀察法本法從
何生為從何滅亦不見生亦不有滅乃謂為
道有為俗法無為道法亦不見俗復不見道
乃謂為道有漏是塵無漏清淨亦不見漏亦
不有漏十善行迹十惡法本亦不見善復不
有惡利衰毀譽稱譏苦樂亦不見苦復不見
樂不見成道亦不在俗不見說法賢聖默然
是謂最勝菩薩摩訶薩入空正受乃謂為道

復次最勝菩薩摩訶薩復當思惟虛空藏三
昧不見有餘無為任壽經劫不見無餘無為
無有變易乃謂為道是謂菩薩摩訶薩建立
空慧善權方便從一佛國至一佛國供養諸
佛承事諸佛世尊教化衆生淨佛國土不見
色相為現色像聲香味細滑識亦復如是不
見有度至於泥洹不見流轉處在生死若善
男子善女人諷誦執持懷抱不忘便得現在
八功德福去何為八觀諸空法信不猶豫得
佛深藏意不怯弱意淨無垢無所染汙心如
金剛不可沮壞所行真正不著魔界淨佛國
土度未度者心廣大乘不樂小智親善知識

不著外部。所求真觀。無我人想。是謂菩薩摩訶薩。獲八功德。解知世法。無我無人。無壽無命。於本無法。乃應正受。常以禪定。至于滅度。開化衆生。不以爲倦。是爲見法。乃應爲道。以見諸法。寂寞無形。無行無處。是謂最勝菩薩摩訶薩。空非有。空亦非有。空空非空者。寂寞無名。名亦不有。不無。是謂爲道。或時菩薩遊諸法觀。不猗三。處不著三。有如是菩薩在人天。世發弘誓言。心廣度群萌。不見衆生。有得度者。是謂菩薩摩訶薩。建立空慧。永無所著。最勝當知。如來周旋。入無形定。意非是二道所能。曉了。唯佛明佛智慧。無礙無著。無染無所點。

汗於諸境界無所深著設得深法不以爲歡
不著世俗八無礙業四辯無礙不滅不然非
不有然不起不生非不有生過去永滅非有
過去現在不住亦不有任當來未起不見生
者是謂菩薩摩訶薩無著無礙不著三處不
深三有尔時座上九万衆生十一那術天人
及謂天龍鬼神即從座起偏露右臂長跪叉
手白佛言我等鄙賤得廁淨法乃能宣暢無
形之法無標幟法唯願世尊使將來世生人
天中陰佛土境界即於彼處受無爲證同日
同時共一國土尔時世尊哂然而笑口出五
色光遍照三千大千世界繞身三匝還從口

入阿難長跪叉手白佛言自惟侍佛三十年
餘未曾見光有踰此者唯願世尊當爲敷演
爲將來會者永無塵瞋尔時世尊告阿難曰
汝今見此九万衆生十一那術天人於此命
終皆當往生微塵空界中陰已生中陰各各
以次成佛皆同一号号無色如來至真等正
覺明行成爲善誓世間解無上士道法御天
人師号佛世尊純以菩薩以爲翼從於彼中
陰住壽一劫般泥洹後遺法一劫以次成佛
中間不絕
尔時世尊說此法時遍淨菩薩及無數衆生
悔受人形及彼天身在座嚀泣不能自勝佛

知而問曰善男子何為悲泣未曾所見遍淨
白言我等亦欲樂生彼土不在廁豫故悲泣
耳佛告遍淨止止勿說斯言汝昔發願弘誓
心異何為中欲生於異國賢劫名滅汝當次
繼号為遍淨如來至真等正覺十号具足
身口意品第二十五

今時最勝菩薩前白佛言一切諸法皆如幻
化云何幻化法中教化衆生淨佛國土云何
淨除三想我人壽命云何從一佛國至一佛
國承事供養諸佛世尊佛告最勝善哉善哉
乃能於如來前作師子吼諦聽諦聽善思念
之吾當與汝敷演其義最勝當知菩薩摩訶

薩常念修身口意行法觀了諸法如幻如化
去來現在悉無倚著。尔時座上有菩薩名曰
歡樂前白佛言。世尊。諸有衆生樂深法。本兼
復供養淨身口意。諸根純淑。是謂菩薩慧增
上菩薩。曰。解知諸法無離無染於無染法淨
身口意。是謂菩薩慧等慈。菩薩曰。諸有行慈
普愍一切。解知文字盡無所著。不見身口之
所行法於中。便得清淨法者。是謂菩薩慧軟
首童真曰。一切諸法本說不見說。不見法想
於中淨身口意。是謂菩薩慧炎光。菩薩曰。佛
法無二。亦不見二。息諸結使。盡無起滅於中
淨身口意。是謂菩薩慧蓮華結。菩薩曰。遍能

遊至十方世界見淨世界不起淨想於中淨
身口意是謂菩薩慧光明菩薩曰一切諸法
歸無所歸於身口意亦無起滅於中淨身口
意是謂菩薩慧法淨菩薩曰一切諸法悉歸
於空於正受定攝意不亂於中淨身口意是
謂菩薩慧蓮華行菩薩曰於本無法無盡之
行於無盡法淨身口意是謂菩薩慧正等菩
薩曰知苦知樂亦無苦樂於中淨身口意
謂菩薩慧除怒截菩薩曰一切諸法解無有
怒於無起怒法淨身口意是謂菩薩慧師子
童真菩薩曰於三法本無恚婬癡亦不見色
有起有滅於中淨身口意是謂菩薩慧施寶

生淨居天不見天福清淨之行於中淨身口
意是謂菩薩慧至誠菩薩曰不見至誠當犯
四法不見欺詐當受後報於中淨身口意是
謂菩薩慧善觀菩薩曰一切色想覺無色想
於中淨身口意是謂菩薩慧寶瓔菩薩曰處
在生死觀見衆生有苦有樂復自觀身苦樂
如彼於中淨身口意是謂菩薩慧無毀根菩
薩曰於諸結使知本清淨於中淨身口意是
謂菩薩慧常笑菩薩曰於諸根法不見吾我
亦復不見造吾我者於中淨身口意是謂菩
薩慧常悲菩薩曰行四等心慈悲喜護遍滿
佛國不見四等有救衆生於中淨身口意是

謂菩薩慧梵意菩薩曰邪見衆生安處正見
於正見中不見邪正於中淨身口意是謂菩
薩慧布演菩薩曰弘誓心固不爲小道所屈
於中淨身口意是謂菩薩慧勇士菩薩曰拔
娼鬼生不染三有於中淨身口意是謂菩薩
慧心勝菩薩曰建立慧忍恒修精進於中淨
身口意是謂菩薩慧雷音菩薩曰於諸善本
觀其法界不增不減不見諸法有窠窟者於
中淨身口意是謂菩薩慧無猷患菩薩曰以
恒沙劫以爲一日十五日爲半月三十日爲
一月十二月爲一歲於中經歷億百千劫乃
一佛出照耀世間復以方便供養恒沙如來

淨修梵行後方便決修菩薩道未曾厭患生
死之苦於中淨身口意是謂菩薩慧住壽喜菩
薩曰恒以神足化六十二見於六十二見淨
身口意是謂菩薩慧盡意菩薩曰觀諸法本空
無所有生者自生滅者自滅法法相生法法
相滅生不知生滅不知滅於中淨身口意是
謂菩薩慧心廣菩薩曰心所思念出息入息
一一分別不失次第亦不見出亦不見入於
中淨身口意是謂菩薩慧善勝菩薩曰分別
三母為從何起為從何滅亦不見起亦不見
滅於中淨身口意是謂菩薩慧持禁菩薩曰
不見持戒及以毀戒不見毀戒當入地獄不

見持戒受天福報於中淨身口意是謂菩薩
慧無畏菩薩曰修四神足於四意止不懷怯
弱心本無本不見心本於中淨身口意是謂
菩薩慧無量悲菩薩曰諸有發心慈愍一切
遊至他方無量佛界要度衆生不以爲倦亦
不見度亦不見不度者於中淨身口意是謂
菩薩慧實施菩薩曰興隆四恩親近三寶惠
施仁愛利人等利不見受報四恩之德於中
淨身口意是謂菩薩慧毀根菩薩曰一切衆
生視如赤子欲自護身當護他人安隱衆生
至無爲岸不見滅度至彼岸者於中淨身口
意是謂菩薩慧寂志菩薩曰佛不思議受報

難量諸根寂定信無貪嫉於中淨身口意是
謂菩薩慧護身菩薩曰成其佛道身獲相好
及泥曰後舍利分布四維八方上下充滿天
龍鬼神無不宗奉亦不見舍利有教化者於
中淨身口意是謂菩薩慧香首菩薩曰一一
毛孔出無量香一一香者出無量教濟度衆
生無有窮極神足威神巍巍無量皆使衆生
發無量道意其中錯誤衆生不應正真道者
或成緣覺聲聞之道或生天上還復入身心
不懷恨大道可貴亦不俠耻度於小者於中
淨身口意是謂菩薩慧弘誓菩薩曰於染無
所染於世八法不興想著於中淨身口意是

謂菩薩慧。愍抹菩薩曰。道者爲二。無道爲一。亦不見一。亦不見二。於中淨身口意。是謂菩薩。慧無上菩薩曰。有佛有法。不成覺道。無佛無法。乃成覺道。亦不見成。亦不見不成。於中淨身口意。是謂菩薩。慧奉德菩薩曰。諸有衆生。自立名号。是男是女。我人壽命。解知本性。悉無男女。亦復不見。從彼生此。從此生彼。當知權詐合數之法。非真非實。於中淨身口意。是謂菩薩。慧目見菩薩曰。諸有色像。解無色像。彼色我識。內外無形。解色性空。悉無起滅。於中淨身口意。是謂菩薩。慧妙錦菩薩曰。吾我壽命。本自無手。如人外聲耳識。耳聞按計。

聲者本無形質於中淨。口意是謂菩薩慧
常住菩薩曰若於七法一一分別不關三處
不求五果於中淨身口意是謂菩薩慧玄通
菩薩曰寂不寂爲垢戒不戒爲垢忍不忍爲
垢亦不見忍亦不見不忍解知忍辱無寂不
寂於中淨身口意是謂菩薩慧香熏菩薩曰
不見陰蓋睡調之病慳貪諂諂憤亂犯戒於
中淨身口意是謂菩薩慧今時最勝菩薩即
從座起長跪叉手前白佛言善哉善哉世尊
我亦願樂說淨身口意菩薩之慧普現一切
無去來今如今清淨住無所住諸法幻化不
可捉持譬如日月光見水中諸佛世尊亦復

如是亦無生滅不取涅槃於中淨身口意是
謂菩薩慧佛告最勝云何族姓子汝觀何義
於如來前而說此義任無所任乎荅曰如來
所任如如所任如衆生任云何如來所任如
如所任如衆生任乎荅曰如衆生任如有爲
任如無所任云何如衆生任如有爲任如無
所任乎荅曰如來所任任無所任云何從第
一空義任乎荅曰非也世尊云何族姓子如
來所任如凡夫任乎對曰非也世尊曰非如
來任非凡夫任云何從中成正覺耶荅曰不
從如來及凡夫法成正覺也云何族姓子如
如至真於凡夫地有何差別對曰世尊欲使

虛空有差別乎佛告最勝一切諸法皆空皆寂無有差別最勝白佛以其諸法不可護持相無有相如如所任如無所任今時最勝菩薩問輒首童真言任云何為任乎言無任云何無任耶輒首荅曰所謂任者如如所任任無所任又曰解四梵堂任無所任故謂為任任無所任最勝問曰吾所問任非四梵堂亦非一類或在閑靜或在聚落或在塚間或在樹下可謂此為任乎輒首荅曰吾所謂四梵堂任心為正止檢惡不起故謂為任最勝問曰云何心為正止輒首荅曰慧義為本故曰正止最勝復問慧者無本亦無究竟可從知

見成正止乎。輒首荅曰：如是如是。如汝所言。先自觀我。然後淨慧最勝。復問云：何輒首先自觀我耶？輒首報曰：諸無我法。至竟如我自無我。無我無起無不起。是謂我自觀我也。最勝復問：正使輒首為從義。得不從義。得自觀我者。為觀佛像。若使有我。則有佛耶？我自無我云。何有佛亦不見言。言亦無我。云何觀佛像乎？輒首荅曰：諸言觀我。我即無我。是謂觀我。所以者何？夫觀我者。則觀諸法。觀諸法者。則觀佛也。佛者無形。亦不可見。最勝問曰：頗有方便。諸不成就。可使至正見耶？輒首荅曰：有此方便。諸不成就。有為境者安處。正見又問。

云何輒首正亦便是正見耶輒首荅曰不以
盡證亦不果報亦不取果報故謂正見又問
云何為見荅曰不以慧眼見諸法非不慧眼
見諸法不有為見不無為見諸法何以故夫
慧眼者亦見有為境亦見無為境無有有為
眼見有為境無為境又問云何輒首頗有方
便從其等見成比丘果證耶輒首荅曰不從
等見成其果證亦不離等見成其果證最勝
當知皆由惛望五垢所成解此義者乃成果
證最勝復問云何惛望五垢所成輒首荅曰
垢為心本心是道根道者無形不可見故成
果證最勝又問道者無形不可見云何成果

證輒首答曰吾所證道由其果證成果證者
即非道耶凡夫愚人謂果證爲道乎莫作斯
觀何以故道非果證果證非道亦不離道亦
不離果證最勝又問道以果證無差別耶輒
首答曰道者無形而不可見果證有爲亦不
可見是謂差別又問輒首如仁所言從有際
至無際耶輒首答曰諸法未生亦不見生非
不有生生亦無生亦不見已生非不有已生
天已生者亦無已生諸法無當生非不有當
生解知當生悉無所有是謂從有際至無際
最勝又問不從有生至無際乎輒首答曰從
有生得至無際又問從無生得至無際乎答

曰如是從無生得至無際云何輒首從有生
得至無際從無生得至無際有何差別輒首
答曰生亦無生無生亦無生是謂差別最勝
又問生既有形無生無名云何差別亦時輒
首報最勝曰吾與汝引喻有目之士以喻自
解云何最勝虛空有形乎對曰無也又問空
有正見耶對曰無也又問何謂爲空對曰空
空也輒首復問云何空空最勝報曰諸法空
空又問云何諸法空空最勝答曰諸法無言
無說空如空輒首問曰諸法無言無說云何
空如空亦時最勝寂默不對是時世尊告最
勝曰善哉善哉族姓子真觀無無泥洹之道

道者無形亦不可見無言無教亦無受者說
此無形法時一切衆生歎未曾有九千比丘
有漏心解脫二萬七千天子諸塵垢盡得法
眼淨復有千二百天與世人發於無上正真
道意五千菩薩即於座上得不起法忍尔時
座上有無畏魔王自將其衆前白佛言我等
愚惑永在盲冥今日始聞無形教法若有善
男子善女人執持諷誦此經典者常當擁護
至竟成佛不使留難於是呪曰

那羅伽羅阿毗呵呵持是擁護善男子善女
人諷誦經典戢在心懷者尔時梵王復從座
起即將慈誓從前白佛言我當擁護善男子善

女人執持諷誦此經典者若百由延千由延
內不使外邪得善男子善女人便即於佛前
而說呪曰

伊摩鼻周那毗伽奢黎羅當擁護是善男子
善女人至竟成佛不使留難是時釋提桓因
復將翼從前白佛言若有善男子善女人執
持諷誦此經典者我等當擁護至竟成佛不
使留難於是呪曰

單遮耶摩那那僧求時那寫持是擁護善男
子善女人至竟成佛不使留難是時東方天
王提鞞賴吒將其翼從即從座起前白佛言
我等當擁護是善男子善女人諷誦讀說此

經典者常當擁護至竟成佛於是呪曰

諦那賜那諦那賜持是擁護善男子善女人至
竟成佛不使留難是時南方天王毗樓勒伽
即將翼從前白佛言若有善男子善女人執
持諷誦此經典者至竟成佛不使留難於是
呪曰

摩訶賜隨那賜持是擁護善男子善女人至
竟成佛不使留難西方天王毗樓博叉將其
翼從前白佛言若有善男子善女人執持諷
誦此經典者我當擁護至竟成佛不使留難
於是呪曰

伊眈弥眈奢奢弥持是擁護是善男子善女

人至竟成佛不使留難是時北方天王拘毗
羅將其翼從前白佛言若有善男子善女人
執持諷誦此經典者我當擁護至竟成佛不
使留難於是况曰

陀譬陀羅譬持是擁護是善男子善女人至
竟成佛不使留難是時無畏魔王梵天王釋

提桓因及四天王各說神呪已遶佛三帀頭

面禮足各還復坐

十住斷結經卷第十三

莫

鼎頂音

勃并烈反泡音拋僉然上蚊行上渠文反

受記也

水

僉然上

蚊行上

渠文反

行之良也

喘息

軟上尺反

娛

音愚

誹非尾反

參

楚

今楚

